

Na osnovu člana 35. Statuta Fudbalskog Saveza Kantona Sarajevo (FS KS), Izvršni odbor FS KS, na sjednici održanoj 28.08.2023. godine, d o n o s i:

PROPOZICIJE

TAKMIČENJA KANTONALNE LIGE SARAJEVO SENIORI

TAKMIČARSKA SEZONA 2023-2024



August 2023. god

UVODNE NAPOMENE

Član 1.

Ovim propozicijama utvrđuje se način i postupak provođenja takmičenja Kantonalne lige Kantona Sarajevo (Kantonalna liga KS - seniori) za takmičarsku sezonu 2023/2024.

Član 2.

Organizator takmičenja u okviru Kantonalne lige KS je Fudbalski Savez Kantona Sarajevo.

Član 3.

Kantonalnu ligu KS činit će sljedeće ekipe podijeljene u dvije (2) grupe:

GRUPA A: Hrid, Jedinstvo, Omladinac, Saobračajac, Sašk Napredak, Vratnik, Pofalički

GRUPA B: Stup, Academica, El Tarik, Bojnik, Respekt, Ozren, Butmir, Mladost

Član 4.

Učesnici u Kantonalnoj ligi KS moraju ispunjavati sljedeće uslove:

- da su igrači registrovani u skladu sa Pravilnikom o registraciji igrača NS/FS BiH;
- Na utakmicama mogu nastupiti samo oni igrači koji su uneseni u Comet sistem i koji su proglašeni zdravstveno sposobnim od strane nadležnih zdravstvenih institucija, ili određenih zdravstvenih ustanova. Svaki igrač koji nastupa u takmičenju mora u Comet-u imati unesen period važenja ljekarskog pregleda i period za koji je uplaćena članarina;
- Rok valjanosti ljekarskog pregleda za igrače je šest (6) mjeseci, a za igrače mlađe od 17 godina je četiri (4) mjeseca na osnovu specijalnog ljekarskog pregleda. Obavljeni ljekarski pregled mora sadržavati obavezujuće elemente koje je propisao Komitet za sportsku medicinu NS/FS BiH, a shodno odluci Odbora za hitne potrebe FS KS o obavezujućim elementima za ljekarske preglede igrača. Igrači koji nemaju upisan važeći ljekarski pregled u Comet sistemu neće imati pravo nastupa na utakmici;
- Krajnji rok za dostavljanje ljekarskih uvjerenja tokom trajanja takmičarske sezone je posljednji radni dan u sedmici do 14:00 sati.

TAKMIČARSKI DIO

Član 5.

Takmičenjem rukovodi Izvršni odbor putem organa Fudbalskog Saveza Kantona Sarajevo, i to: Komesara za takmičenje, Komesara za delegiranje sudija i Disciplinskog suca.

Takmičenje u Kantonalnoj ligi Kantona Sarajevo administrativno se vodi kroz COMET informacioni sistem.

Član 6.

Takmičenje u Kantonalnoj ligi KS će se odvijati u dvije grupe sa po 7 i 8 klubova koje su određene žrijebom prije početka takmičenja.

Prvak Kantonalne lige KS stiže uslove za ulazak u Drugu ligu F BiH grupa "Centar". Po završetku regularnog dijela takmičenja, prvaci grupa A i B na neutralnoj terenu jednom utakmicom razigravaju za prvaka Kantonalne lige Kantona Sarajevo.

Član 7.

Ekipe koje jednom neopravdano ne odigra utakmicu, gube istu službenim rezultatom 3:0, te se kažnjavaju oduzimanjem 3 boda, i novčanom kaznom od 1.000 KM.

Ekipe koje dva puta u toku cijelog prvenstva neopravdano ne odigra utakmicu automatski se isključuju iz takmičenja, uz zabranu nastupa narednu takmičarsku sezonu.

Član 8.

Takmičenje će se odvijati u skladu sa ovim Propozicijama, relevantnim pravilnicima fudbalske organizacije NS/FS BiH, propisima FIFA i Međunarodnog fudbalskog borda (IFAB).

Član 9.

Utvrđeni raspored odigravanja utakmica ne može se mijenjati.

Član 10.

Svaki klub može da prijavi 20 (dvadeset) igrača, a najmanje 14 (četnaest). U igri sudjeluje 11 (jedanaest) prijavljenih igrača, a tokom utakmice može se izvršiti pet (5) zamjena u tri ciklusa. Izmjene u poluvremenu se ne računaju kao ciklus.

Predstavnici klubova obavezni su dostaviti delegatu sastav ekipa i akreditacije službenih osoba kluba, najkasnije 60 minuta prije početka utakmice.

Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke 20 igrača prijavljenih u COMET sistemu. Igrači koji nisu upisani do početka utakmice u zapisnik, ne mogu nastupati na utakmici.

Utakmica ne može početi ili se nastaviti ako svaka ekipa nema najmanji potrebni broj igrača, od kojih je jedan golman i kapiten u skladu sa Pravilima nogometne igre (IFAB, pravilo 03).

Ako jedan tim za vrijeme trajanja utakmice ostane sa manje od 7 (sedam) igrača, sudac je dužan zaustaviti igru, a ako u roku od 5 (pet) minuta klub ne nastupi s minimalnim brojem igrača, sudac je dužan da odsvira kraj utakmice, shodno članu 37. Pravilnika o nogometnim takmičenjima N/FS BIH i pravila III Pravila nogometne igre.

Član 11.

Svaka ekipa je dužna nastupiti u sportskoj opremi (dresovi sa brojevima, gaćice, štucne, kostobrani i kopačke) uz obavezu da posjeduju najmanje tri lopte. Ako se desi da obje ekipe imaju iste ili slične dresove, dresove će promijeniti **domaća ekipa** na konkretnoj utakmici.

Član 12.

Klub domaćin je obavezan da obavijesti FS KS i svog protivnika o mjestu, terminu i satnici odigravanja, kao i boju dresova i rezervnoj boji namanje pet dana prije odigravanja utakmice.

Član 13.

Klub domaćin je obavezan da pripremi teren za igru tako da bude spreman za odigravanje utakmice.

O spremnosti igrališta za igru odlučuje sudija susreta određen da vodi konkretnu utakmicu.

Prvenstvene utakmice na nivou Kantonalne lige KS mogu se igrati samo na terenima koje je primila nadležna komisija Fudbalskog Saveza Kantona Sarajevo.

Sudac i delegat obavezni su da u zapisnik unesu zaključak o neispravnosti terena. Delegat će zapisnik kroz COMET sistem dostaviti Komisiji za takmičenje.

UTVRĐIVANJE PLASMANA

Član 14.

Klub koji pobijedi osvaja 3 (tri) boda, u slučaju nerješnog rezultata svaka ekipa osvaja po 1 (jedan) bod. Plasman ekipa se utvrđuje zbirom osvojenih bodova, na osnovu tabele koja se vodi za stalna takmičenja po bod sistemu. Tabela sadrži: rezultate utakmica odgovarajućeg kola, imena timova koja se takmiče, broj osvojenih bodova, kao i broj datih i primljenih golova. Detalje oko utvrđivanja plasmana reguliše član 43. Pravilnika o nogometnim/fudbalskim takmičenjima NS/FS BiH.

DUŽNOST KLUBOVA

Član 15.

Svaki klub je dužan da na utakmici nastupi sa najboljim sastavima čiji podaci se unose u zapisnik prije početka utakmice. U sastavu ekipa moraju se nalaziti **minimalno tri mlađa igrača** do 23 godine (rođeni 01.01.2000. godine), od kojih najmanje jedan mora konstantno biti u igri.

Neispunjenjem ovih kriterija, ekipa će snositi takmičarske posljedice na način da će utakmica biti registrovana službenim rezultatom 3:0 u korist protivničke ekipe. Delegat je dužan na utakmici izvršiti identifikaciju igrača, predstavnika kluba, trenera, ljekara i drugih zvaničnih lica koji su evidentirani u zapisnik i koji su stekli pravo sjediti na klupi.

U slučaju isključenja mlađih igrača, odnosno povrede istih u toku igre, a bez mogućnosti uvođenja zamjenskih igrača (već izvršene tri izmjene), prethodni stavovi ovog člana se ne primjenjuju.

Član 16.

Klub domaćin je dužan da obezbijedi redarsku službu sa dovoljnim brojem redara, pripadnika MUP-a, fizioterapeuta i dežurno zamjensko sanitetsko vozilo, u protivnom delegat susreta neće dozvoliti da se utakmica odigra, a klub će snositi odgovarajuće takmičarske i disciplinske posljedice.

Klub je dužan na utakmici imati akreditovanog predstavnika kluba i najmanje jednog akreditovanog trenera.

Član 17.

Na utakmicama Kantonalne lige KS seniora mogu nastupiti samo igrači čiji je identitet utvrđen putem fotografije igrača iz Comet sistema, a u slučaju da Comet nije u funkciji, identitet će se utvrditi na osnovu javne isprave, lične karte ili pasoša, odnosno štampane ID Comet kartice. Igrači sa neadekvatno pohranjenom fotografijom u Comet sistemu (kada je nemoguće utvrditi identitet) delegat utakmice neće dozvoliti nastup na utakmici. Identitet se u pravilu utvrđuje prije početka utakmice.

Ukoliko se identitet igrača utvrđuje na osnovu javne isprave, identitet će se naknadno izvršiti na osnovu podataka iz Comet sistema. Delegat će navesti broj lične karte ili pasoša, a u izvještaj i sve ostale relevantne podatke (matični broj, datum rođenja i dr.).

Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

Na prvenstvenim utakmicama nemaju pravo nastupa igrači koji se nalaze pod suspenzijom, kaznom zabrane igranja i automatskom kaznom zbog tri žuta kartona.

DELEGAT UTAKMICE

Član 18.

Za svaku utakmicu takmičarski organ (Komesar za takmičenje) određuje delegate. Listu delegata na nivou Kantonalne lige KS čine članovi organa Saveza, sportski fudbalski radnici i bivše sudije (sada instruktori) koje usvaja Izvršni odbor Fudbalskog Saveza Kantona Sarajevo.

Članovi uprave Kluba, aktivni igrači i treneri ne mogu obavljati dužnost delegata na istom rangu takmičenja na kojem se Klub takmiči i na kojem zvanično igraju, odnosno obavljaju trenersku dužnost.

Ako delegat utakmice utvrdi da službeni predstavnik, glavni trener, pomoćni trener, ljekar ili fizioterapeut nema odgovarajuću licencu, neće im dozvoliti da uđu u ograđeni dio terena za igru.

Delegat je dužan obezbijediti ispravan laptop ili drugi mobilni uređaj sa štampačem i ispravnom internet konekcijom za sastavljanje zapisnika i izvještaja kroz COMET informacioni sistem.

Delegat je obavezan prije utakmice izvršiti identifikaciju osoba u kabinama za rezervne igrače, na način što će utvrditi da li se fotografije iz Comet informacionog sistema podudaraju sa likom osoba, kao i da li se prijavljene osoba zaista i nalaze u kabinama. Provjeru je potrebno izvršiti i za liječnika i fizioterapeuta.

Član 19.

Utakmice na takmičenju Kantonalne lige KS mogu suditi sudije članovi U.F.S.I.K.S. Listu sudija predlaže Komisija za sudijska pitanja FS KS.

Na utakmice se delegiraju i posmatrači suđenja sa usvojene liste posmatrača za takmičarsku sezonu 2023/24.

Sudije će suditi na osnovu propisa FIFA, Međunarodnog fudbalskog BORDA, propozicija i relevantnih propisa fudbalske organizacije NS/FS BiH.

Sudije – aktivni igrači ne mogu suditi na istom rangu takmičenja na kojem zvanično igraju. Finalnu utakmicu za pobjednika Kantonalne lige KS sudit će suci sa višeg ranga takmičenja.

ŽALBE

Član 20.

O regularnosti utakmice stalnog takmičenja može se odlučivati samo na osnovu žalbe oštećenog kluba, osim u slučajevima kada se odluka o registraciji donosi po službenoj dužnosti. Pod oštećenim klubom, u smislu predhodnog stava, podrazumijeva se svaki klub koji je oštećen rezultatom utakmice na koju se ulaže žalba.

Žalba na tok utakmice, ukoliko propozicijama nije drugačije predviđeno, mora se fax-om najaviti u roku od 24 sata po odigranoj utakmici, a obrazloženje žalbe i taksa moraju se dostaviti u sekretarijat Saveza u dva primjerka, u roku od dva dana od dana odigravanja utakmice.

Žalbe po drugim osnovama moraju se fax-om najaviti u roku od 24 sata po odigranoj utakmici, a obrazloženje u dva primjerka sa taksom ima se dostaviti rukovodstvu takmičenja u roku od tri dana od odigravanja utakmice. Ukoliko rok za ulaganje žalbe ističe u nedjelju ili državni praznik, rok za ulaganje žalbi produžava se za prvi naredni radni dan.

Taksa na žalbu u prvom stepenu iznosi 100,00 KM.

Član 21.

Sve takmičarske odluke u prvom stepenu donosi Komesar za takmičenje Kantonalne lige KS, a disciplinske odluke u prvom stepenu donosi Disciplinski sudac.

Žalbe na odluke donesene u prvom stepenu podnose se Apelacionoj komisiji FS KS. Taksa na žalbu u drugom stepenu iznosi 200,00 KM. Rok za žalbu drugostepenom organu je 8 (osam) dana od dana donošenja prvostepene odluke.

Odluka drugostepenog organa je konačna.

Član 22.

Odluke po svim žalbama se objavljuju u službenom glasilu Fudbalskog Saveza Kantona Sarajevo na oficijelnoj web stranici Saveza www.fsk.ba.

Član 23.

Obavezne dimenzije igrališta u Kantonalnoj ligi KS su najmanje 90 x 45 m, sa ogradom visine minimum 1,20 m, udaljene od poprečne linije i uzdužne 3 (tri) metra. Na igralištu treba da postoje kabine za rezervne igrače i delegate.

Član 24.

U sklopu terena treba da postoje svlačionice za goste i domaće igrače, mokri čvor, svlačionice za sudije i službena prostorija za delegata.

Zapisnik se sastavlja u posebno predviđenoj prostoriji, uz prisustvo sudaca, delegata i predstavnika klubova.

NORMATIVNI DIO

Član 25.

Sve odluke u vezi takmičenja donose se na osnovu Propozicija takmičenja FS KS i odredbi Pravilnika o fudbalskim takmičenjima NS/FS BiH, a disciplinske odluke na osnovu Disciplinskog pravilnika NS/FS BiH.

REGISTRACIJA UTAKMICE

Član 26.

Ako na utakmicu nije uložena žalba, a ne postoje uslovi za registraciju po službenoj dužnosti 3:0 (par forfe), utakmica se registruje postignutim rezultatom. Jednom registrovana utakmica ne može biti poništena ako je prvostepena ODLUKA pravosnažna, ili je donijeta drugostepena ODLUKA koja je konačna. Takmičarski organ vrši registraciju odmah poslije odigranog kola i takve odluke pismeno se objavljuju u službenom glasilu Fudbalskog Saveza Kantona Sarajevo na oficijelnoj web stranici Saveza www.fsk.ba.

FINANSIJSKE ODREDBE

Član 27.

Sudijama i delegatima se isplaćuje naknada troškova u skladu sa troškovnikom o službenim putovanjima u zemlji.

Sudija i delegati imaju pravo na takse u visini:

- Glavni sudija 75,00 KM
- Delegat 70,00 KM
- Kontrolor – 45,00 KM
- Pomoćne sudije 50,00 KM

Isplatu troškova službenih lica (takse) uz sve pripadajuće poreze i doprinose za sezonu 2023/2024 vršit će Fudbalski Savez Kantona Sarajevo na transakcijske račune službenih lica, najkasnije do naredne utakmice.

Član 28.

Shodno odluci Izvršnog odbora FS KS, klubovi Kantonalne lige Kantona Sarajevo su u takmičarskoj sezoni 2023/24 oslobođeni plaćanja kotizacije za učešće u takmičenju i plaćanja službenih lica (sudije, delegati i kontrolori), s tim što su obavezni postupiti u skladu sa Ugovorom između FS KS i sponzora lige, u protivnom će snositi disciplinske posljedice.

Član 29.

Za takmičarsku sezonu 2023/2024 klubovi su oslobođeni plaćanja kotizacije, a sredstva će obezbijediti Fudbalski Savez Kantona Sarajevo iz svog budžeta.

OSTALE ODREDBE

Član 30.

Za sve što nije predviđeno ovim Propozicijama takmičenja, važe odredbe Pravilnika o nogometnim/fudbalskim takmičenjima NS/FS BiH, Disciplinskog pravilnika NS/FS BiH i ostalih normativnih akata N/FS BiH.

Član 31.

Izmjene i dopune ovih Propozicija vrše se prema istom postupku kao i za njihovo donošenje.

Član 32.

Ove Propozicije stupaju na snagu danom donošenja, a primjenjivat će se za takmičenje Kantonalne lige KS – seniori, za takmičarsku sezonu 2023/2024.

PREDSJEDNIK
Hamdo Spahić, sr.

Broj: 598/23
Sarajevo, 24.07.2023. godine

Na osnovu člana 41. i 57. Statuta Fudbalskog Saveza kantona Sarajevo (FS KS), a u vezi sa Odlukom Komiteta za sportsku medicinu NS/FS BiH od 11.05.2023. godine, Odbor za hitne potrebe FS KS na sjednici održanoj dana 24.07.2023. godine, donio je sljedeću:

O D L U K U

o obavezujućim elementima za ljekarske preglede igrača

Član 1.

Ljekarski pregled igrača mora sadržavati sljedeće minimalne obavezujuće elemente:

- a) Internistički pregled ili pedijatrijski pregled (za igrače do 16 godina), koji obavezno treba sadržavati: EKG analizu u skladu sa UEFA propisima i osnovnu laboratorijsku obradu,
- b) Oftalmološki pregled,
- c) Stomatološki pregled,
- d) Ostale testove i analize prema indikaciji.

Član 2.

Svaki igrač mora imati nalaz o izvršenom ljekarskom pregledu koji sadrži ocjenu o zdravstvenoj sposobnosti igrača.

Fudbalski Savez Kantona Sarajevo prihvatat će ljekarska uvjerenja zdravstvenih ustanova koja sadrže minimalne obavezujuće elemente iz člana 1. ove Odluke.

Ova Odluka stupa na snagu danom objavljivanja u Službenom glasniku FS KS.

Obrazloženje

Odbor za hitne potrebe FS KS razmatrao je propozicije takmičenja sa minimumom medicinskih zahtjeva fudbalskih takmičenja u BiH, Kantonalne lige Kantona Sarajevo i omladinskih i dječjih liga Kantona Sarajevo.

Propozicijama takmičenja predviđa se obaveza da svaki igrač koji nastupa u nekom od prednje navedenih takmičenja, obavezno mora imati nalaz o izvršenom ljekarskom pregledu koji sadrži ocjenu o zdravstvenoj sposobnosti igrača.

Shodno prednje navedenom, a kako bi se u potpunosti ispoštovale odredbe propozicija takmičenja, te precizirala i pojednostavila njihova primjena u praksi, Odbor za hitne potrebe FS KS je u skladu sa odlukom Komiteta za sportsku medicinu NS/FS BiH donio odluku kao u dispozitivu.



Predsjednik

Hamdo Spahić
Hamdo Spahić